



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 24°C Min: 13°C
Dar 5:53-ab ni a chhuak ang a,
Tlai Dar 5:14-ab a tla leh ang.

Vol - VI Issue No. - 4

- Ramtuk Thla -

16th February, 2020 (Pathianni)

Tunkar chang vawn : Efesi 2:10

"Krista Isuaah chuan thil tha ti turin min siam a, a kut chhuak ngei kan nih tak hi, thil tha tih chu kan aom dan tura Pathian buatsaih lawk a ni."

TUALCHHUNG CHANCHIN

☛ Branch YMA President Pu HD Daniela chu chhungkaw thil pawimawh ti tura Haflong-ah a zin a. A ni rual hian Pu R. Lalhma-chhuana (kan branch Fin. Secy hlui), Pi Tlingi leh Pi Rokimi te pawh an kal ni a hriat a ni. Nimin khan a rawn haw a.

Ruahman dan chuan naktuk khian Pu HD Daniela hi chhungkaw thil pawimawh-ah baw Saiha lamah a phei leh dawn ni a hriat a ni.

☛ Pu R. Sangkhuma, Pi Rinpuii pasal (Chawngbawla section) chu ni 11 Feb, 2020 (Thawhlehi) khan Guwahati-ah mit entir turin an kal a, nimin khan an rawn let leh a ni.

☛ Ni 9 Feb, 20 (Pathianni) khan Pu R. Sangliana huan thlam, Hmawngkhawthlir a mi chu mi tu tih hriat loh ten an lo hal sak a. Ei rawngbawlina bungbel, riah bu, thawmhaw leh hmanrua eng emaw zat a kang ral vek a. Thlam hnuaiia Pipe roll (Airtel pipe) chu a kanna hnuhma hmuh a nih loh avangin thlam hal tute hian an ru bo niin a lang. (Rukru an awm leh zeuh zeuh avangin mi tinte fimkhur ila, mahni thil mai nilo thenawmte thil thleng pawha invenpui a tha khawp ang.)

Daifim lak man pek lawk theih

Daifim lakman hi thla khatah ₹ 15/- a ni ang a. Kum 1 atan ₹150/- pe lawkin a lak theih dawn baw a ni. Daifim la thar duh emaw lak zawm duh kan awm a nih chuan chanchinbu semtute hnenah inhriattir tur a ni.

Tin, chanchinbu la si, a man pe tha duh lo kan awm avangin harsatna a awm thin.

A man khawna tur receipt leh a bu, a latute hming sign-na tur awm pawh siam a ni dawn a. A man pek kawnga fimkhur theuh turin kan inngen nghal a ni.

BEC Rorel Thutkhawm Vawi 2-na nei Bungraw In sak ngai pawimawh

Dated Khuangpuilam, the 16th February, 2020 (Pathianni) :

Ramtuk thla ni 13, 2020 zan khan Pu Vanlalrova in Khuangpuilam BEC Rorel Thutkhawm vawi 2-na neih a ni a. Member 23 kalin, Pu S Lalthangliana, Vice President in rorel thutkhawm a kaihhrui a. Tawngtaina a neih hnuin Secretary, Pu Lalremsiama Varte hnen atangin Branch hmalakna chi hrang hrang - Thinglak hnatlang, ni 28.01.2020; Mau lak hnatlang, 01.02.2020; Mau chih hnaltang, ni 3 - 8.02.2020; Mibo zawn hnatlang, ni 5 leh ni 8.02.2020; Leadership & Account training, ni neih thu ngaihtlak a ni.

Tin, mi tlawnngai/thil phalte hnen atangin hetiang hian thilpek dawn a ni :- Pu F. Lalbiakliana - Balu 1 cm; Pu Laltlansanga - Balu 2 cm; Pu Vanlalrova - Suahdur; Pi Kiamlovi - Tui um (Bottle) 16; Health Department - Inzawna (Stretcher).

Pu David Lalrosanga, sum vawngtu hnen atangin - General Account - ₹ 17,090/-; Chhiatni Fund - ₹ 11,249/-; FLS - ₹ 13,011/-; Endowment - ₹ 275/-, a vaiin ₹ 41,625/-, kan neih thu ngaihtlak a ni.

Report ngaihtlak hnuah thurel tan a ni a. Hetiang hian rel a ni.

1. YMA in sak dan tur chungchangah a dung 24 ft leh a vang 12 ft nise; a ban leh beam hi RCC nise tih a ni a. Ni 20 khian bankhur laih hnatlang neih a, chumi hmaa a laihna tur hmun leh bungrua mamawh ang te lo ngaihtuah turin Branch OB-te ruat an ni.
2. YMA In sakna tur atan thawhlawm khawn tha a ti a. Mipui a khawn hmian BEC-ah khawn hmasak ni se tiin (Committee kal atangin ₹ 14,300/- tling nghal), tun thla chungin Branch OB-ten an ruahman anga khawn ni se tih a ni.
3. Kumin chhunga Sub-committee hrang hrangte hmachhawp ngaihtlakna neih a ni a, siamthat ngai leh belh ngaite a awm em tih sawihona neih hnuah an rawtna te pawm an ni. Tin, thlanmual bungruate hi mimalin hawhchhuah leh hman phalloh ni se tiin rel a ni a. Thlan laihna hmanrua bawngtuthlawh 1 leh file cover 1 Pu Rotlingpui'a n a pek thu ngaihtlain, lawmawm an ti hle.
4. CYMA Telephone directory 2020 siam a nih tur thu Secretary, CYMA atanga dawn chu a tul angin information pek ni se tih a ni.
5. Secretary, CYMA atangin CAB/CAA chungchanga CYMA dinhmun leh NGO Coordination Committee hmalakna dawn a ni a, CYMA hmalakna tha tawka ngaih a ni.
6. Secretary, CYMA atangin ni 5 Feb, 2020-a PWD leh YMA MOU sawihona neih anih tur hriattirna dawn a ni.
7. Pem lehkhah hetiang hian dawn a ni - Secretary, Chawngbawla section atangin Pi F. Lalvulmawii te chhungkua, Hmarveng; Secretary, Khuangchera section atangin Pu Lalrammawia (Pu Lienkunga fapa) Jeribam, Manipur.
8. Secretary, Sub-Hqtr YMA Kolasib hnen atangin ni 20 Feb, 2020 chawhma dar 11-ah SCC committee neih tur thu kan dawn a ni a. Sub-Hqtr hruaitu tur nominate siam tur anih angin kan branch atangin nominee atan Pu Chawngsailova leh Pu Malsawmtluanga te ruat an ni. Sub-Headquarter YMA Conference-ah rorel agenda atan 'Sub-Hqtr a Sub-Committee member tur hi Branch tinte'n aiawh tur thehchhuah thin ni rawh se,' thehluh nise tih a ni.
9. OB-ten a rang lamin YMA bungraw In saknan leh Branch mamawhte thlenin bialtu minister Pu K Lalrinliana hmu se tih a ni.

YMA chu tanpui ngaite tanpuitu a ni. - YMA Kumpuan : Zirna uar

Editorial Board :
Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager: Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886
Chawngbawla Section
 Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032
Vanapa Section
 Leader : Pu Lalchuaailova
 87300 99599
 Secretary : Tv. Lallawmzuala
 87875 41803
Khuangchera Section
 Leader : Pu Lalramzaua
 76408 95924
 Secretary : Pu Zachungnunga Hrahse
 76299 69989

Editorial.....

Kan pi leh pute kha lo neia eizawng an ni a. Khawvel hmasawnnain min tuam avangin eizawwna kawng hahdam zawk dang awm ve nual tawh mahse chhungkaw tam tak hian lo neih a eizawng hna hi an la kalpui reng a ni.

Lo lama eizawng chuan kum tin hma thar lak a ngaih angin thal laiin an lo hal a ngai thin a. Chu chuan kawng tam takah mipui lamah harsatna a thlen thin a ni. He harsatna thleng thin hi tih kiama tihbo theih erawh a ni tih a lanna chu kan vawiin chanchinbu thupuia kan hmana report atang hian a lang reng mai.

Mei kawng sial tha thawkhat pawh thli nat leh beng dan zir loh avanga ram kang a awm rualin a tam ber hi chu mei kawng sial that loh vang leh inthlahdah vang a ni tih hi hun kal tawh atangin a lang reng mai.

Chu mai a ni lo, in kang kan tawrhna chhan tam tak hi vanduai vang hrim hrim aiin kan inchhunga eng chakna (electric) lak leh lak kual danin a zir loh vang a ni tlangpui baw.

A hun lova sum kan ui luatna hian nakin hnua insensona nasa zawk leh harsatna nasa zawk min thlen phah thei a ni tih kan hriat a hun hle mai. Incheinaa sum kan ui loh aiin keimahni himna leh thatna tur zawkah hian sum ui loh kan chin tan a tha viau lo'ng maw!

Daifim semtute
Chawngbawla Section :
 1. Jonathan, Upper Kolasib - 25 copies
 2. Pekkima, Biakin Mual - 45 copies
Vanapa Section
 1. Sangrema, Soil Mual - 25 copies
 2. Tetea, Highway - 50 copies
Khuangchera Section
 1. Lalruatfela, Coffee Huan Mual - 30 copies
 2. Thanglalbiaka, Shalom Mual - 30 copies
 3. G.Muana, TNT- Judicial Qrts - 30 copies

Branch YMA Office Bearer		
President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Pu Lalnunhlua 9366270802	Financial Secretary Pu Rotlingpuia 9862385193

K o h h r a n H u a n g

PRESBYTERIAN CHURCH

Presbyterian Kohhran
 Pathianni hmasa khan New Diakkawn Presbyterian Kohhran Biak Inah Kolasib Vengthar Pastor Bial Kohhran Hmeichhe Inkhawmpui an hmang.

Nimin khan an Biak In sakna tur mau sata hnatlang nei lehin mi engemaw zat an thawk chhuak a ni.

Kar leh Pathianni khian Khuangpuilam Prsebyterian Kohhran Biak Inah Bial Pavalai Meet a awm dawn bawk a ni.

UPC (NEI) Kohhran
 Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

UPC (Mizoram) Kohhran
 Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

VC tlangau thu

1. Land Revenue & Settlement Officer thuchhuak angin Kolasib town area chhungah huan pass neih a theih tawh lova, ‘Pass’ nei zawng zawngin ‘House Pass’ a leh vek tur a ni a. Pass let lo te chu an pass-na cancel sak thlengin hmalak theih a ni a, town area chhunga Huan pass/ periodic patta nei zawng zawng chuan Revenue office-ah pass-na Xerox copy theihluk vek tur a ni e.

2. Sub Divisional Magistrate thu chhuah angin...

1) Mi tumahin mimal bungrua leh insakna bungrua kawng kamah an dah tur a ni lo.

2) Kawngpuiah Rod leh thil dang chhut ngil phal a ni lo.

3) Kawngpuiah Motor/thleng/ insukna leh silna tih luan phal a nilo.

4) Tui luankawr ti chhe zawng leh tichep zawngin hma an la tur a ni lo.

5) Kawng ti chep zawng leh tihnawk zawngin leivung an paih tur a nilo.

Thupek awihlote chu 185 IPC emaw
144 CRPC in hrem an ni ang.

CYMA hmalakna

7.2.2020 : Aizawl DC Conference Hall-ah ‘Publication of Final Photo Electoral Rolls 2020’ hun hman a ni a. Dr. Malsawmliana, Asst. Secretary a tel.

- Airport Group YMA-in Nghalchawmah ‘Rorel Inkhawm leh Leadership Training’ hun an hmang a. Pu Roneihthanga, Fin. Secretary leh CEC-te Pu B.C. Tawna, Pu C. Lalhmunliana leh Pu Lalchhuanmawia te’n an hmanpui.

- CYMA Hall-ah kum 2020 chhunga CYMA hnuaia Cultural Performing Troupe member inhmelhriatna hun hman a ni.

10.2.2020 : Secretary, Health & Family Welfare Pisa-ah ‘Mizoram State Blood Transfusion Council Meeting’ neih a ni a. Pu F. Lalfakawma, CEC a tel.

- Director, Art & Culture Deptt. Pisa-ah Chapchar Kut 2020 Programme Subcommittee Meeting neih a ni a. Tv. Lalhmachhuana, Vice President; Prof. Lalnuntluanga, Gen. Secy leh CEC-te Tv. V. Malsawmtluanga leh Pu Hrangliana an tel.

13.2.2020 : Minister, District Council & Minority Affairs Pisa-ah ‘Consultation Meeting on the Constitution of India (125th Amendment Bill 2019)’ neih a ni a. Tv. Lalhmachhuana, Vice President; Dr. Malsawmliana, Asst. Secretary; Pu Fabian Lalfakawma, Treasurer; Pu Roneihthanga, Fin. Secretary leh Pu B.C. Tawna, CEC te an tel.

14.2.2020 : Central YMA leh State Medicinal Plants Board tangdun buatsaihin Central YMA Hall-ah ‘Awareness Campaign on Medicinal Plants for NGO’s Tinospora Cordifolia (Hruivankai)’ neih a ni.

CYMA hnuaiah Hna ruak dil theih

Central YMA Office-a thawk turin a hnuaia hna hi a ruak a. A dil duh chuan NI 3 -20 Feb, 2020 inkar chhungin plain paper-a ziakin dil theih a ni ang.

Hna hming : Peon-cum- Chowkidar (Contract basis).

Edn. Qualification : Class VIII passed.

Salary : Rs 8500/- per month.

Quarter : Free. (Tui bill leh Electric bill chu mahni chawi tur)

#hnaruak""http://hnaruak.com/2020/02/hnaruak-dil-theih-41/

GLOBAL WARMING-CLIMATE CHANGE

Vanlalchhuailova, IFS (Rtd)

Kan chenna khawvel boruak lo lum chho zel leh sik leh-sa inthlak mumallo ta viau mai hi Global Warming Climate Change chu a ni, thil inkawp tlat an nih avangin sawi kawp zel an ngai.

Boruak tilumtu : Khawvel boruak tilumtu langsarte chu Green House Gas (GHG) an tih heng-Carbon dioxide (CO_2), Methane (CH_4) leh Nitrogen Oxide (NO) te hi an ni. Hengho hian nizunga lumna awm(heat energy) chu duham takin an hiplut a, an pe chhuak leh mai phal si lo a ni.

Boruak lo lum chhan : Ram kang atanga meikhu chhuak te, thilsiamna atanga meikhu bawlhhlawh chhuak te, thlawhtheihna leh lei lama lirthei khu te, lei leh vansanga bomb puak leh thil dang kang atangin van boruak, Atmosphere-ah GHG mur (molecule) tam namenlo an awmkhawm tawh a, van thengrengah an thamral thei si lo. Heng hian heat energy hiplutin pechhuak phalloin an utawk-tur-vawn tlat a, boruakah an pung chak si; thilnung awm theihnana khawvel siamtu, atmosphere hi alo lum chak ta em em mai a ni. Green House chhung a lum bikna chhan pawh hei tho hi a ni.

A nghawng (Effect) :

1. Global Warming in a nghawng langsar ber chu chatuan vurkhawn lo tui ta tlat hi a ni. Tunah chuan Himalaya tlanga vur tui hian a chawm luitui a tipun a, inrinna dar, Everest chhip pawh tunhma chuan kum tin tlemin a sang hret thin a, tunah chuan vur tui al van gin a hniam hret hret tawh zawk a ni. Chhimtawp, Antartica leh Artic Circle- a chatuan vur, tui pui khuhbo thin pawh a tui tak van gin tui finriat tui a lo pun a, Pacific Ocean-a thliarkar leh Sundarbans-a thliarkar thenkhat an pilbo tawh a, a then muangchangin an pil riai riai bawk. Inkalpawhna –Motor kawng an pil ang; power line, tui pekna pipe leh mihring mamawh phuhrutu tam tak an chhia ang a, hripui a leng zui thei bawk.

Tunah hian Antartica leh Artic Circle-a vurkhawn a tui tak avangin an lo phel rem rum tawh a, tui pui a lan phoh phoh tak avangin nidanga hmuh theih loh, tui pui ramsa an inlar noh noh tawh a ni.

2. Khawvel boruak lum zel hian rannung/ramsa tam tak a la tihlum ang a, ramngawa thing/hnimte tivuaiin kan chawpui, thlai leh theite rah chuah hman lovin a la upvuai dawn a ni. Ramsa la dam chhunte, kan ran rualte leh Keimahni ngei pawh eitur hmu lovin tumpui-mithi kan la tuar ang.

3. Nakinah chuan an chenna tui in a chim vanga engkim chan; mipui tam mangkheng mangang takin an la vakvai dawn a ni. Tunhma atang reng khan tualchhung buaina emaw, ram leh ram indona emaw, thlipui, tlangkang leh lirnghing avanga thi bakah raltlan chhawmdawl ngai an awm ang. Chatuan Vur a tui nasat hunah chuan raltlan buaipui sen rual loh, Environment Refugee kan la tih tur an la awm ang.

4. Van boruak tilumtu pakhat Methane hian CO_2 in lum apai theih let 13 lai apai thei. Tunhnai mai khan Asia khawmualpui hmar lama ram zau pui mai, North America khawmualpui ai pawha zau zawk, Siberia ram khuhtu Chatuan Vur, Permafrost an tih pawh a lotui tan tawh tih hmuh chhuah a ni. Scientist in an enfiahnah chuan hmawlh in Vur khawn chu an vit pawp a, boruak lo chhuak chu an hal a, a alh puat puat mai a ni. He gas hi Methane a ni a, kum sang tam tak thing leh a hnah vurkhawn in a khuh pil tawh atanga lo insiam a ni. Helai hmuna Permafrost hi a tui zawh hunah chuan Methane tam mangkheng atmosphere ah a lo chhuak ang a, nasa takin a lo lum zual dawn a ni.

5. Carribean Sea a khawmual, thliarkar a chengte chuan kum 2008 daih tawh khan, “kan ram ah hian kum 300 kan la awm thei angem aw?” an ti tawh a. Heng thiarkar te hi hniam te te an ni a; tui in a hual vek a, a chim chin a san zel avangin an ram a zim tial tial a ni.

GHG hi China in a phuhchhuak tam ber a, USA in dawtin India hi pathumna kan lo ni pha ve reng zuk nia. Keini chu tlang sanga cheng kan ni a kan tuar ve lo ang, kan ti mai thei; a teuh lo mai. Tunah pawh kum tin a lum tial tial tih kan hria a, ruahtui pawh a hun pangai lovah kan dawng ta fo a nih hi.

ENGITNNGE KAN TIH TAK ANG

Global Warming- Climate Change hi tihtawp theih a ni tawh lo. Khawvel in a tih theih awmchhun chu GHG thawn chhoh tlem hi a ni mai. Hei lah hi ram hmasawn ber berte pawhin an ti thei si lo. Keini , India ramah pawh Muvanlai leh fur ruah chauhvin a thlen phak an lo tih thin, hmun kilkhawr taka hnam tlemte awm hian tihmakmawh kan nei. Lirthei khu a pun zel lai hian meikhu erawh kan titem thei asin. Ni lan chhunga CO_2 eiral a O_2 pechhuak char chartu hnah hring ramngaw kan la neih chhun hi tichereu lovin kan zuah lian thei reng bawk. Hnah hring hian CO_2 a eiral a, O_2 a pe chhuak bawk. Kan tihtur chu a lang reng e.

Mahse , Keini Zofa boruak thianghlim hip, Siktui Thiang dawn, Engkimtitheia zawn chhuahte hian Leilung hausak malsawmna min pekte hi kan va suasam rei ta ve! Tun atanga hian ramngaw, Nungcha, luitui fim, sih tui al, boruak thianghlim leh ramsa chi tinreng, kan tana khawizu leh hnudetui fir te hi , an siamtu thinlung pu a, humhalh a kan chawilen a tul tawh hle mai.

Nunna petu hnathawh chhawmnungtu, I Environment hi suasam lovin chawilian zawk tawh ang che.

“Look deep into nature, and then you will understand everything better” - Albert Einstein

(Article chhuah tur nei chuan chanchinbu enkawltute hnenah a pek theih reng e. Article chhuah tur hmun danga dap lova, veng chhung atang ngeia chhuahtur hi kan duh tak zet a ni.)

Ram tikangtu chuan nasa takin kan chenna a tibawrhbang a ni.

Kumpuan 'Zirna Uar' hawnna nei Zirlai, nu leh pate zirna lama ñang turin beisei

Ramtuk thla ni 14, 2020 (Zirtawpni) zan khan Khuangpuilam Branch YMA Kumpuan Sub-Committee hmalaknain BNRGSK Hall-ah kumpuan 'Zirna Uar' pet ñanna (kick-off) neih a ni a. Pu Lalremsiama Varte, Kumpuan Sub-Committee chairman-in inkhawm kaihruiin, Pi Zonunthari'n hunserh a hmang a. Kumpuan 'Zirna Uar' hawnna Pu S. Lalthangliana, Branch YMA Vice-President-i'n a nei a; Pu F. Lalbiaksanga, Kumpuan Sub-Committee Secretary-in hmalak tawhna leh hmalak zel dan tur sawina hun a nei baw.

Fuihna thu sawi tura sawm, Pu V. Pazawna, Diakkawnin fuihna thu ña tak tak a sawi a. Hmanlai chuan an eng neih chhun lalñin chu lehkhazir nan an hmang rim a; chutih laiin, tunah eng neih ñat hnu hian kan eng te hi lehkhazir nan kan hmang rim ta lo viau a. Kolasib-a officer awm ñhin pakhatin Kolasib chu an changkang thei lo ang, zing kara lehkhazir thawm hriattur a awm lo em mai a tih thute, khawpui dang Lungleiah chuan hriattur a la awm thu leh keini aia changkanna kawng an pan nasat thute a sawi a ni.

He hunah hian high school kal chin zirlai nu leh pate mai bakah Zirna Ina thawk zawng zawngte kalkhawmin, fanaute'n zirna lama hma an sawn dan tur leh harsatna an tawh te sawiho a ni baw. Lawmthu sawina hun Tv. Kenny Lalmuankima'n a nei baw.

Pu F. Lalbiaksanga, Kumpuan Sub-Committee Secretary chuan ramtuk thla ni 8, 2020 (Inrinni) zan khan Kumpuan Sub-Committee-in Kumpuan 'Zirna Uar' chungchanga hmalak dan tur hrang hrang a rel hetiangin a sawi:

1. Committee member ennawnin, Nl. Vanlalhruiatuangi chu Committee member atan ruat belh a ni.
2. Kumpuan Kick-Off chungchang ngaihtuahin, tihhlawhtlin tawh a ni a. Zirlaite 'aim-in-life' leh an 'hobby' zirchian nan Questionnaire siam nise, Secretary, Kumpuan Sub-Commtt. buaipui tura ruat a ni.
3. Zirlai tiña te leh mi hlawhtlingte - Zirna Sikul atan Distinction leh First Division-a passed te; Infiamna (Sports) lamah State level china lawmman la te; hna (Service) lamah MPSC level china inziaktlingte chawimawina pek tum a ni. Chawimawi tur-te hi July 2019 – July 2020 hun chhung ami te nise tih a ni a, chawimawina hi Branch sum khawih buai lo thei ang bera siam nise tih a ni.
4. Branch YMA-in rem a tih chuan YMA Day denchenin Section inelna atan Quiz (General Knowledge) neih nise tih a ni.
5. Kumpuan Survey hetiang ang hian neih nise a ti.
 - i) Zirna In tlabal a awm em tih leh zirna ina thawktute mamawh puhruk a ni em?
 - ii) Zirna In bul hnaiah zuk leh hmuam, ruih theih thil zuar an awm em?
 - iii) Naupang sikul kai rual, kai silo an awm em?
6. Kumpuan hmalaknate vengchhung chanchinbua chhuak ñhin tura hmalak nise tih a ni a. Branch in rem a tih chuan vengchhung nu leh pa te hnenah pawh sem ñhin nise tih a ni.
7. Vengchhunga zirlai naupangte aim-in-life leh an hobby zirchian a nih hnuah career awareness neih nise tih a ni.
8. Co-curricular activities/camping neih nise tih a ni a. A hun leh hmun chu hun remchang dangah ngaihtuah ñat leh nise tih a ni.
9. Branch-in rem a tih chuan Khawhar Inah kumpuan campaign neih ñhin nise tih a ni.

Kangmei chhuak tur veng la, I ram chhan rawh' Fire Prevention Week hawnna nei

Ni 10 Feb, 2020 (Thawhtanni) khan Parish Hall, Venglai, Kolasibah District Level Fire Prevention Committee hmalaknain Fire Prevention Week hawnna hun neih a ni a. 'Kangmei chhuak tur veng la, i ram chhan rawh' tih thupui a hman niin, Pi Sangchhin Chinzah, Deputy Commissioner, Kolasib district chuan a hawnna hun a hmang a ni.

Pi Sangchhin Chinzah chuan Kolasib district chhunga tun hnaia Vairengte leh Meidum khuua in kanna thleng chu pawl a tih thu sawiin, chhiat-tawhna hi tu chungah pawh thleng thei a nih avang-in mi tin fimkhur thar lehzual turin a ngen a. Kangmei chhuak ven chu Sawrkar department bil emaw, tlawmngai pawl te thawh tur bik a nih loh thu a sawi a. Mei chelek kawngah kan fimkhur tlan ñeuh a, midangte pawh fimkhur tura kan inhrilhhriat zel hi mi tin mawhpurna a nih thu a sawi baw a ni.

Inkhawm kaihruiatu Pu C Liankunga, President, Sub-Hrq YMA Kolasib chuan ñhangthar lo awm zel tur te dem kan hlawh loh nan ram leilung hausakna venhim leh humhalh chu kan kova a tlak lai hian tha thla lova ñahnemngai tak a thawk turin kalkhawm te a chah a. Kangmei venna kawnga Mizoram chhunga district ti ña ber ni tur a thawk ñeuh turin a chah baw a ni.

Pu C Lalrinmuana, ACF in 'Kangmei ven a ñul nachhan' tih thupui hmangin Powerpoint presentation a pe a. Kum 2015 khan ñum 118; 2016-ah ñum 298; 2017-ah ñum 32; 2018-ah ñum 20 leh 2019 khan ñum 12 ram kang a awm thu a tarlang.

Pu Joseph P Liana, ACF in District Fire Prevention Committee hmalakna tlangpui tarlanna hun hmangin Pu Andrew VL Auva, Vice President, MJA Kolasib hnen añangin Fire Prevention Week thuchah ngaihtlak a ni baw. Fire Prevention Week chhung a Kolasib District chanchinbu chhuak te zing a 'Fire Prevention Awareness' nei ña ber tan lawmman siam a nih tur thu tarlan a ni baw.

ATM a intlal buai ngai tawh lovin
'Aadhar Enabled Payment System (AEPS)'
hmangin Bank hrang hrang account a balance
check leh withdraw kan tihsak thei che. Pawisa
chawibelh a awm lo.

Tih ngai : Bank account leh Aadhar link
Hriat ngai : Aadhar card/number
Phone number

Timing : 7:00AM - 9:00AM
(Rural Bank leh Apex Bank pawh tih theih ñep a ni e.)
India Post Payment Bank Business Correspondent
Ramdinpuui
Khuangpuilam
Ph : 82599 54637

(3-1)